

全立杜賣盡根田契字人猫霧鬆庄陳路、陳宗，全胞侄陳笨等。有合買過廖家水田壹段，址在萬丹庄後洋叁份仔。東至陳喜田爲界；西至路爲界；南至廖家田爲界；北至陳歐公田爲界。四至界址明白。遞年配納大租佛銀壹元叁角正，併帶圳水壹分正，灌溉通流充足。今因乏銀別創，兄弟侄相商，願將此水田出賣，先盡問房親人等，不欲承受，外托中引就問到千秋斗庄張高友官出首承買，當日三面議定時值盡根田價佛銀壹佰柒拾伍元正，平重壹佰貳拾兩貳伍錢足。其銀即日全中見親收足訖，其水田隨即踏明界址，交付買主前去掌管，永爲己業。保此水田明係路等合買建置之業，與房親人等無干，亦無重張典掛他人財物，以及上手交加來歷不明等情。如有此情，路等出首抵當，不干買主之事。自此心願價足，一賣千休，日後路等及子孫永不敢言找，亦不敢言贖，生端滋事。此係二比甘愿，各無抑勒反悔。口恐無憑，今欲有憑，全立杜賣盡根田契字壹紙，併帶上手契字伍紙，合共陸紙，永執爲炤。

即日全中見實收過盡根契字內田價佛銀壹佰柒拾伍大元正，平重壹佰貳拾貳兩伍錢足親收完足，批炤。

代筆人 魏仰仁（花押）

爲中人 黃阿知（花押）

知見人 陳門林氏（花押）

全立杜賣盡根田契字人 陳路（花押）

宗（花押）

胞侄 笨（花押）



同治拾壹年拾月 日